

GRUFTI-GENERATION

Mit de' Rollerblades - zu de' Everglades
Mit 'em Büglbredd - surfa durch's Internet
Mit 'em Bungeeschdriggle - ondr's Neggarbriggie
Mit 'em Spacemobil - zu de' Krokodil' - ond dazua
Esperanto büffla - wiedr 's Hochschulg'schmäggle schnüffla
Noach de' Paradiesla gugga - au' mol biddre Pilla schlugga
Ond au' 's Schlemma net vrgessa - Ambiente g'hört zom Essa
Drom an Haufa scheene Sacha - Ten't mir Alte weidr macha...

Mir - mir send die Grufti-Generation
Alt wi' a' Fossil - abr koi' bissle lois'
Mir - mir send die Grufti-Generation
Außa echt cool - abr enna brandhoiß
Joa mir - mir send die Grufti-Generation
Mir sagad onsr Sach - mir hauad mähdig uf da Sagg
Denn mir - mir send die Grufti-Generation
Mir fedzad irre los, denn mir send voll - uf Zagg!

Mit 'em Schaukelschduhl - durch da Swimmingpool
Mit 'em Cabriolet - iber's Kanapee
Mit 'em Veschparoller - zu de' Hohazoller
Mit 'em Zeppelin - nondr zu de Pinguin' - ond dazua
Macarena danza - ond em Schdäddle richdig schwanza
Au' des Gaigla neu entdegga - sich em rosa Neschdle negga
Was ma' moag ganz fesched omschliaßa - ab ond zua fei' gar nix miaßa
Ärschla ananandrreiba - ten't mir grad so weidr dreiba

Mir - mir send

Mir fedzad irre los, denn mir send oinaweg ond emmr voll uf Zagg!
Mir Gruftis hauad ewig ond drei Daag ond no' vial längr uf da Pudz,
denn mir send ewig ond drei Daag ond no vial längr
Top en Form - Guad en Schuss - Bollaschdark - Gruftigeil -
Ond voll uf Zagg!!